

«ԳԻՒԼԱՍԱՐ»

(ԱՆՏԻՊ ՎԵՊԻԿԻՑ)

Տ ա տ ք

—Աշխարհ ի՞նչ կասի, ա՛ղջիկ, արածիդ,
Ուղղւած ես կամովդ խանի ճանկ ընկնել.
Մեղք արի ա՛նդութ, խեղճ նշանածիդ,
Զէ՞ որ երդուել ես նրան պատկանել:

Թ ո ռ ք

«Քաղցր է ինձ համար աղիդ նշանած,
Հոգիս որ ուղի, կը հանեմ, կը տամ.
Բայց հայրս Զաւար խանի բերդն ընկած
Ինձ է ծէն տալիս, ես ի՞նչ չը գնամ:

Թուր էլ շողացնեն, երես չեմ թեքիլ,
Թո՛ղ տուր ժամ առաջ Գեանջի բերդ հասնեմ,
Կրակ էլ ածեն գոգս, չեմ վախիլ,
Միայն քաջ հօրս երեսը տեսնեմ:

Զուր ես ուշացնում աղաչանքներով,
Մահ ու տարտարոս աչքի տակ ունեմ.
Գետ, անտառ, լեռներ կանցնեմ վազելով,
Միայն թէ հօրս վզով փաթաթուեմ:

Փառք պատիւներից վճռեց վեր դասել
Իմ սիրու համար բերդի սև օրը,
Զոհ կերթամ խանի կրակին ես էլ,
Միայն թէ բերդից փրկեմ իմ հօրը.

Քաղցր է ինձ համար աղիդ նշանած.
Հոգիս էլ ուղի, կը հանեմ, կը տամ.
Բայց հայրս, տա՛տի, խանի ճանկ ընկած
Ինձ է ծէն տալիս, ես ի՞նչ չը գնամ:

Ս. ՔԱՄԱԼԵԱՆՑ